

Cracoviensis Studior. Univ. Sagell.
Promotiones Philos. Ordinis.

1710 d. 12 Aprilis.



kal.komp.

3543


III.

Mag. St. Dr.

P

Pręga 3093

Larxycki Ioan. Antonii. Laurus Cracii Ape-
linis post fatales Libitinae rogos immos-
talis ac inter Martiales virescens flammis,
coronas probatae virtutis et magnae indolis
XI. VI. ED. primae laureae Candidatorum
conservata.



L A U R U S
CRACII APOLLINIS
Post fatales Libitinæ rogos

I M M O R T A L I S,
ac inter Martiales virescens flammæ,
in Coronas probatæ virtutis, & magnæ Indolis
XI. VV. DD. Primæ Laureæ Candidatorū
CONSERVATA:

atque dū eā

Per Clarissimum ac Excellentissimum Dominum,

D. M. MARTINUM
KUROWSKI,
Philosophiæ Doctorem & Professore,;
Collegam Majorem, &c.

Artium Liberalium & Philosophiæ Baccalaurei
renuntiati coronarentur.

A

Musis exoptatō per Triēnium munere gaudentibus,

Operâ & Studiō Poëtico,

JOANNIS ANTONIJ ZARZYCKI,
Ejusdem Laureæ Candidati,

Gratulationis ergo

CELEBRATA.

*Anno quo radix Iesse (Isaia 11.) Coronam gloria, sertum exul-
tationis (Isaia 28.) germinavit. 1710. Die 12. Aprilis.*



C R A C O V I Æ,
Typis ACADEMICIS.

INSTEMMA ILLUSTRISSIMÆ DOMUS KRASINSKIANÆ



I.

*Evolat excelsum, metuit nec lumina corvus:
Hic Aquila virtus vera colore caret.*

II.

*Annulus in rostro celsum, cur nutat Olympum?
Est sponsata polis, inclyta dicit Avis.*

III.

*Spestat Avis calum, tellurem Crux soleata.
KRASINSKIORVM Nomen ubiq; legunt.*

3543 III

ILLUSTRI ac MAGNIFICO DOMINO,
D. STANISLAO
DE KRASNE

KRASINSKI,
CASTELLANIDÆ MALOGOSTENSI, &c.

Domino, Patrono, & Mecænati
Amplissimo.



*B*Ene & feliciter Literarius Orbis, post parentales
rogos, inter flammantes Gradivi impetus vere
novò vernantibus ominari debet Laureis; ubi
hanc Gentilitiam Inclytæ Domûs ALITEM, re-
bus Auspicatissimam Palladianis Muneribus vi-
det prævolare; qua auspicante Romanus Hector Valerius, bonum
publicæ calamitatis finem, CORVINISq; immortale paravit
Nomen. Etenim præter naturam volucris, fortunatissimam Au-
rum & Annulus rostrò, per æthera latus, meliorem felicitatis
modum, plura benignioris fortunæ munera pollicetur. Fortu-
nata AVIS annulum, Signum fæderis, pignus clementiæ cele-
stis, amicitie nodum, post effusos in Orbem Cracium Nemeseos
furces, (veluti post magnas Deucalionis aquas) Laureatis cir-
cumfert Capitibus, ut eam spem facile concipiant; quam Orbi
natanti Columba frondem virentis Oleæ ferens autumnavit. Iam
præagus bonorum CORVIN, aurum in lingua toto circumtu-
lit Orbe, ut illa aurea Saturni tempora prediceret, quibus suâ
virtute Heroica factis, primo Romanum Imperium, post Pan-
nonicas gentes, demum Sarmaticum recreavit Orbem, tanta fe-
licitate; ut omnes in suum amorem ubique excitaret honores.
Planè ubi Avis hæc Romanorum titulis & origine celeberrima,
Pannonicas sui Nominis dignitate donavit oras; ubi ad Sere-
nissimum Lechicæ Aquilæ provolavit nidum; ita meritorum
nisu, & virtutum pennis, per excelsa honorum ferebatur fasti-
gia, ut in quolibet sui amorem inveniret, vel faceret, & sero
ventura posteritati cum gloria relinqueret. Tantum quippè
meritorum decus, tamq; serenâ virtutis meridie, licet nigra u-
biq; explicuit Avis, ut omnes splendore nobilissimo illustraret,
hono-

honores, & radios immortalis glorie, per Culmina honorum dif-
 fusos, in Cybe Europae sine numero multiplicaret. Obumbratur
 Oratorius genius Tua illustria recensendo Nomina, enumeran-
 do, quid de populo, Senatu, Patria, quid de Ecclesia Illustrissima
 KRASINSKIORVM mernerit Donus. Alijs in decus &
 & honorem, alijs in tutelam, omnibus in salutem exolanti au-
 spicata, Ante. Omnia KRASINSKIORVM Nomina, Ma-
 gnifica generosa virtutis scias Numina, tanto scribenti gravio-
 ra calamo, quanto magis Gentilitio, Auris in Annulo, Ferri in
 Solca metallo, ceteris preponderant. Quam multum laboraret
 calamus! si recensita Nobilissimi Sanguinis & annorum serie, NI-
 CCLAI de KRASNE in Ecclesias Munificentiam; ejusq; filiorum
 IACOBI Heroicam Mentem, IOANNIS pyssimam, Magnifi-
 cam ANDREÆ, in FRANCISCO Regni Irocancellario ac post
 Episcopo Cracoviensi, Duce Severiensi Nepote perennantis, di-
 gnis celebraret laudibus. Supra humane mentis acumina, ex-
 tollit se Gentilitius Ales, in ALBERTO Castellano Sierpscensi,
 in ANDREA Castellano Ciechanov: STANISLAO Palatino
 Ptocensi, IOANNE Castellano Varsovi; alijsq; fere sine numero
 æque virtutum, ac Illustrissimi Sanguinis claritate Celeberrimis.
 Addidit Gentilitia Aliti amplioris glorie pennas, GABRIEL
 Castellanus Ptocensis, Vir sagō togæq; meritis; qui cum mil-
 lenas hostium turmas, solā virtutis turba, quia sine numero mi-
 litum del verit: jam Sarmaticus vocaretur Hercules; ni verū
 Alcidae Heroica parem mente, NICOLAVM Castellanum Ma-
 togosten: Illustrissimum meritis Patrem Tuum, Teq; non impa-
 rem cum ALEXANDRO & FRANCISCO Fratribus Heroem
 in presidium & decus Patrie Nepotem reliquisset. Ad tantæ
 ergo virtutis & glorie Alitem lagellonica procurrat Musa, au-
 spicatā muneribus suis promittit felicitatem. Vernanti Caputibus
 Doctus lauro hic Patrocinium querit; ubi antiqua Romanorum,
 inchoata Polonorum Respb: invenit presidium. Nimirū Gentilitio
 Aliti, Apollinares exporrigo plantas; ut plantas, quas Crux su-
 sinet, sustineat Laurus, hinc gloriam habitura, quod eodem, cum
 Cruce pondere oneretur. Indulge hanc Tui Patrociny felicitatem
 & qui Majorum, proprijs virtutibus æquasti gloriam, longævis
 summis honorū titulis vivas feliciter ornatissimus. ita precatur

Illustris & Magnificæ Dominationis Vestræ

Ceteris Humilissimus

IOANNES ANTONIVS ZARZYCKI,
 Primæ Laureæ Candidatus.

THAUMATURGO LAUREARUM PARENTI,
Magno Laureatorum
PATRIARCHÆ,

Diviniori Lechicæ Musæ APOLLINI,
REGNI POLONIÆ,

& Almæ Vniversitatis Cracoviensis

PATRONO.

B. JOANNI
CANTIO,

Sacræ Theologiæ Doctori & Professori,

*Pro conservata per ejus Sanctam Protectionem, inter Parenta-
les rogos, & Martiales flammæ, lauro; Cracius Apollo, Mu-
sas in gratias & plausus agendos evocat, suis favere
muneribus petens.*

CUM LEMMATE. Mente Manuq; Pater.

Currere dilectæ Phæbo, concurrere Natæ
Pectora ferte piæ, flectite colla, genu.
Huc animos mecum, grates huc fundite corda
Numine læta Patris. Rector Apollo voco.

Nervos cum Cythara, cum sistro rendite plectrum

CANTIVS in cantus, debet abire meos.

Gratia IOANNES, nostro diffunditur Orbe,

Celsaq; Parnassi, culmina nostra beat.

Vivimus in tanto servati turbine rerum

Cælitus in nobis Vita beata stetit!

Omnia cum bello ruerent, atq; omnia peste

Præsidium Musis CANTIVS ipse fuit.

Bella canant alij, nos bello vivere peste,

Præsidio Patris, sæcula Musa doce.

Ignibus & ferrô per totum Mars furit Orbem

Iam flammæ rerum corripuere decus.

Si gladius parcit, si cessum Mars vocat, ensen

Falcibus, ô Superi! trux Libitina metit.

His lacerata malis Cracij Parnassia tellus
 Nunc tamen hæc eadem, quæ fuit ante, manet.
 Laurus quæ mortis, Martis quæ senuerat ictus.
 Surgit pressa malis, ignibus usta viret:
 Tu Pater hoc laurum virtutis munere donas,
 Desinat, ut nunquam fronde virere nova,
 Ingens si veniat quando pressura malorum
 Gratia sed major Tu Pater Alme venis.
 Tristia, sors nequam, si intentat nubila Musis:
 Sanctior effundis lumina Phæbe Tua.
 Marte riget Pindus, tellus non sicca timenda:
 CANTIVS è Cælo lacte rigabit aquâ.
 Ancillam recreat si lactis munere; posset
 Durior in Matrem, tam pius esse Pater?
 Filia, quæ Matrem hanc meruisti turba sororum,
 Supplicibus votis, corde precare Patrem.
 Huc Pater, huc placidas aures adverte benignus;
 Porrectâ, Lauros inspice fronte novas.
 Vota fovens animo, Musarum suscipe; Princeps.
 Quarum pars fueras, nunc Caput esse velis.
 Doctor eras sacrâ redimitus tempora laurô,
 Frontibus & nostris lenta vigere dato.
 Temporibus major, vernabit Laurus honore
 Si fuerit plantis tacta Beate tuis.
 Da cineres busti, spargatur pulvere vitta
 Splendorem Capiti, vitta corona dabit.
 Vénimus in plausus pietatis dona ferentes:
 Patria quod per Te salva manere potest.
 Da cineres, felix & vitæ tempora fundes,
 Per tuâq; æternus rura Phalantus eris.

Clarissimis, Excellentissimis, & Admodum Reverendis Dominis,

DD. EXAMINATORIBVS,

Clarissimo, & Admodum Reverendo Domino,

D. M. SIGISMUNDO LISOWIC,

Philosophiæ Doctori, Regio Professori, Collegæ

Majori, Ecclesiarum Collegiatae ad S. ANNAM Cracov:

CANONICO, Navaricensis Curato, Universitatis Cracov: Ge-

nerali PROCURATORI, ac interea Philosophicæ Facultatis

D E C A N O.

Clarissimo & Admodum Reverendo Domino,
D. M. CASIMIRO KVBALWIC,
Philosophiæ Doctori, Regio & Matheseos Pro-
fessori, Collegæ Majori, Ecclesiarum Collegiæ ad San-
ctam ANNAM CANONICO, in Circulo Cracoviensi Ec-
clesiæ S. ADALBERTI PRÆPOSITO.

Clarissimo & Admodum Reverendo Domino,
D. M. MARTINO KVROWSKI,
Philosophiæ Doctori, Collegæ Majori, Eccle-
siarum Collegiæ S. ANNÆ CANONICO,
PROMOTORI Dignissimo.

*Quod suo labore, virtute ac scientia, Primi post pestilentie
annos, quasi post grave saculum Pyrrhæ, in solo Acade-
mico redimiendis temporibus excoluerint lauros.*

Ode votiva.

CUM LEMMATE. Datur pro munere munus.

DOCTÆ Sorores, Threicij simul
Vatis, canoros voluite pulveres
Tantiq, Patris sparsa in unum
Ponite membra piæ, furente
Discerpta Baccho. Lympha dabit caput
Quasita plectris Euridice Viri,
Pari fatiget Ditem amore.

Rex animam Stygius reponat.
Spirans ut Orpheus tendere barbiton
Movensq, plectrum, dulcisona manus
Lenire vim, citare manes,

Et cytharas animare cantu
Potens, Maronem cantibus evocet
Clarum Poëtam ducat ab inferis

Lechaum in Orbem cantiorq,
Sit magis in furias Ministrum
Jovis vel almo munere per dies,
Alternus adsit noctibus inferis

Calos precata sic Eleusis,
Sic Hecate potuit redire.
Decora busto Parthenope Virum
Arvis Poëtam reddat amabilem.

Dilecte Phabo Mantuane
 Alme precor venias canentium
 Pater. Laboris materies nova
 Adest: repletus pone Georgica,
 Phabo; canantur arva, cultus,
 Numina, quæ coluere primò.
 Phabea tellus germine nobilis,
 Semperq; lauris fronde virentior,
 Vetusta Regum Mater alma
 Progenies Superum Sororq;
 Dilecta Calo, frondibus impotens
 Virere sacris, facta fuit situ
 Novale, cum ferme per Orbem
 Diluvio vehebatur atra
 Rhamnusia, & Mars addidit impius
 Vim, quando sævâ detonuit manus
 Herbaq; consumpsit vigorem
 Et folijs viduavit ante.
 Jam hæc culta tellus ridet amabili
 Vultu, decore germine pullulant
 Laurus in ignibus virentes,
 Fulmina nec metuunt Tonantis.
 Adest Sacratas Ternio Numinum,
 Vernare terram fronde virentibus
 Qui laureis fecit, novoq;
 Flore dedit trabeata tempe.
 Marco resurgens Triptolemos voces
 Priscos honores seu Celei dabis;
 Dignare primos nunc satores
 Carminibus celebrare vates.
 Primus LISOWIC quid meruit? cane,
 Phabi Sacratas cum renovat modos
 Sub ejus ingenti laboris
 Pondere, Palladiana laurus
 Surgens per Orbem crescit amerior.
 Hic cum decorus murice fulgeat,
 Magisq; virtutis nitore
 Vitta caput redimire primo

Gaudet

Gaudet. Tibi altò gloria sidere
 Repòstà, seclis hunc animum dabit;
 Quod purpurato, Te Corona
 Funeribus viruere nigra.
 Magnus Sophorum, principe, nobilis
 Virtute Præses, & Sapientiâ,
 Rerum probatus nunc Patronus,
 Et studijs Heliconis ante
 Clarus Lechæi; vota sodalium
 Aquas, fatigans plectra moventium:
 Musæ laborent te tacendo:
 Cum superes Cytharam canentis.
 Sic KVBALEWIC inclyte gloriâ
 Cum primo easdem primitias colis,
 Laurumq; Phabeam recentî
 Condecoras merito laboris.
 Felix Sophorum curris Olympia,
 Probas colendo temporâ laureis
 Aptas ferendis; tum libenter
 Uraniem recolis sacratam.
 Vt alta, calis lumina syderum,
 Phæbò refulgent clara videntibus:
 Sic, Sole Te terris micante,
 Fulgida sunt animis scientum.
 Magneta, frigens alteruter Polus;
 Te, qualibet pars jam sibi vendicat
 Celi: quia magneta volvens,
 Digna polis operare Doctor.
 Icon Virorum, pectora, triplici
 Cinctus KVROWSKI, plusq; Corynthio
 Armatus arc, Musa plectrò,
 Te numeris repetat sonoris.
 Roma, Catonem si gravitas decet;
 Terenne Nomen Philosopho datur:
 Virumq; justè Tu mereris,
 Ingenio gravitate magnus.
 Virtutis Almæ, pulcher honoribus,
 Apex decorus Tu sapientie,
 Labore nunc Tuo parantur,
 Vere novo nova fecta Musis.

Nostro reponis vertice lauream;
 Su ipse fulgens laudis adorea:
 Qui das honoris; per me amoris,
 Sume Pater, monumenta gratus.
 Sed, si Maronis plectra sonantia,
 Laudum ter amplis concita honoribus,
 Simul Virorum, non potestis
 Acta trium resonare Metro
 Doctos labores. fama perennibus
 Inscribe fastis; auspiciis quibus,
 Primo Lechææ, nunc acerbam
 Post Nemesis, viruere laurus.

LAURUS

Cracij Apollinis.

In Coronas XI. VV. DD. Primæ Laureæ

CANDIDATORUM

NEXA.

II. V. ac Religioso Fr: NICOLAO KUKLINSKI,

Ord: Can: Reg: BB. Martyrum de Pænitentia

Conventûs Cracoviensis S. MARCI.

Cui Melpomene luctu deposito plaudit.

CUM LEMMATE. Nomen Musa dabit.

Melpomene, Tragicas, Parnassi scribere scenas
 Desino; queis omnis mæsta dolebat humus.
 Pallida mors, pedibus, pullavit culmina tetris:

Et sonitu falcis, terruit omne genus.

Vidimus, ô miseræ, diræ spectacula mortis

Aonides! cantu, flevimus & Cytharis.

Sic Lachesis, luctu totum compleverat Orbem:

Audires Pindô, nil, nisi triste melos!

Desino, sed tantum plectro renovare dolorem;

Sat gemitûs Cytharæ, corda doloris habent.

Temporibus vernis vincor, Laurôq; comanti:

Kuklinio plausus intono, vota, lubens.

Quod

Quod tua, Pieridum, præcingat tempora, munus:
 Hinc decus est Phæbo, multus honorq; tibi.
 Tu confers Lauro; quantum tibi contulit ipsa:
 Ambobus pariter gloria, crescit honor.
 Non Boreas laurum, fervens vel Syrius uret;
 Corde calor Patris, fronte rigabit aqua.
 CANONICI titulo, si gaudes Aureliani;
 Fronte tuâ laurus gaudet utroq; simul.
 Nomen honore Tuum majus: cum dextera Phæbi
 Virtuti magnæ, Laureæ ferta dedit.
 Nobilius fulges, ornatus munere tanto;
 Pectore stemma Patris, fronte Corona decus.

III. V. ac Religioso Fr: STANISLAO WOYKIE-
 WICZ, Ord: Can: Reg: BB. MM. de Pæniten-
 tentia Conventûs Cracoviensis S. MARCI.

Thalia Laurum laudibus prosequitur.

CUM LEMMATE. Fraternaliter jungor amore.

*T*Risti Melpomene, semper contraria metrô,
 Lata Thalia fuit.

Nunc unum pariter plaudentes carmine fundunt;
 Conveniuntq; magis;

Quàm cum triste genus sortis, mala cantica fecit
 Imparibus Paria.

Illa, actus tragicos, scenas; hæc, comica linquit.
 Materieq; novâ.

Gaudentes Phæbi concessa munere, pulsant
 Plausibus ad Superos.

Alterius cum fratre, Deas, sic Religiosus
 Conciliavit amor.

Hic, Te WOYKIEWICZ cum KUKLINIO sociavit,
 Munere Palladio.

Hæc virtus Musas in plausus convocat almos
 Cordaq; corde legit.

Hinc, quando Lauro Phæbeâ, religiosa
 Tempora cinctus ades:

Solvitur in Cytharas letanter Comica, Paan
 Dulce canendo Tibi.

Sors melior cingat cum lauru tempora sacra,
 Fronde perennet opus.

IV. V. D. ANTONIO JOSEPHO
ROZMARYNOWSKI,

Euterpe Tibia gloriam canit.

CUM LEMMATE. Flore beatior.

Non Liber Thebas, Delphos non jactet Apollo,
Ostendet vel Thessala Tempe.

Tiburis & lucus Flacco non rideat; absint

Et felicia rura Phalanto.

Flore novo Lechici colles, Parnassia Sylva

Nunc oculos & corda merentur.

Hic multâ lauru terram decoravit Apollo;

Flore Rosarum ROZMARYNOWSKI

Vestijt, & plures, ad Laurum protulit herbas

Virtutis, splendoribus Almæ.

Narcissus fieret; roseum si non Logicales

Spinæ, flore labore dedissent.

Aurea limatæ spectantur lilia vitæ;

Miscentur violæ pietatis.

Euterpe gaudens spatiando per nova Tempe,

Sic dulci modulatur avena;

Flatibus, ut folium Lauri, Tibi fronte virentis

Virtutum floresq; agitentur.

Vt factis animes famâ cum Nomine secla

Tibi vota per æthera spirat.

*Moskva
A. 1794.*

V. V. D. MATHIÆ FEDEROWICZ,

Clio plaudens in laudes metricè currit.

CUM LEMMATE. Tu Cytharæ prior.

Quem Virum Clio celebrare cantu?

Facta, quæ buxo resonare seclis?

Vel quid aternò, repetam cothurnò?

Quarere sisto.

Quid prius dicam solitis canentum

Laudibus? quidvè potius Camena

Cantibus tollent numerisque doctis?

Ambigo plaudens.

Phabus & Pallas Cytharam canentis

Vendicant; plectrum, nova ferta; dansq;

Tristibus, Numen, meliora Musis

Carmina poscit.

Minta

Mitto jam laurus Heliconis Almi;
Nec satis Phæbum recolam canendo;
Te FEDEROWICZ breviorē pono
Tangere metro.

Alma, Te virtus posuit sacro
Proximum Phæbo; Sapiētiæque
Additum lumen, decoravit omni
Munere docto.

Fulgeas lauro Capiti Sacratâ
Quam tua magna meruere dotes,
Narret æternum meritos honores
Fama perennis.

VI. V. D. FRANCISCO LUCÆ KLONECKI,

Terpsichore in Cytharâ psallit.

CUM LEMMATE. Virtus magnifica ambit.

PHæbi Terpsichore Soror,
In docto, Cytharâ, Pyeridum choro
Princeps, nunc celeri pede

Ad Craci propero limina faustiùs,
Lauri fronde virentia!

Lethi, quæ fueram pulsa furoribus,
Flammis, ustaq; Martijs.

In factus hilares Curro libentiùs,
Cum dulci modulamine

Dotes egregias munera Palladis,
Quæ KLONECCIUS eminet;

Doctis Aonidum concebro modis.
Cunas Posna dedit Tibi;

Laudavit studium Musa Lubranscia:
Vidit mentis acumina;

Doctorum quoties prælia gesseris;
Lingua doctiloqua potens,

Ut mel, sicq; rosas sparseris Atticas.
Distaret magis inclyta

Virtus dos superum sordidæ inertix;
Doctum limina publica,

Adventas tripodem Cracij Apollinis;
Ad fontem sapientix

Currens egregiæ passibus indolis.

Hic jam temporibus Tuis,
Musarum Lechicus festa parat chorus.
Possis Terpsichore canit
Præcellæ titulos sumere gloriæ.

VII. V. D. JOANNI OLEXINSKI,

Erato Poëtico pede in plausum exultat.
CUM LEMMATE. Hac itur ad astra.
IN varios mortale genus distenditur ætus:
Nec pariter cunctis, pectora lenit amor.
Clusius huic ridet, dubiusq; Patulcius illi:
Fulminibus belli claruit; ille togâ.
Hic Arabum gazas, Cræsi vel munera poscit:
Respuit hoc alter, Fabriciumq; gerit.
Docte OLEXINSKI melior Te concitat ardor;
Ad Lechici Pindi, culmina celsa trahit.
Pallida mens libris, vitam, meruitq; virorem
Gauderet virtus, dulcis honore suo.
Te bene jam Sophici magnum coluere labores:
Doctrina, clarum viderat omne genus.
Tanta tuis fulget morum prudentia factus:
Deberet vitam, Censor amare Cato.
Exultat tanto virtutis Nomine Musa
Delius hoc vates, hoc comitatur honor.
Fert Erato dulci jucundam fronde Coronam:
Ut ponat Capiti, semper Amica Tuo.

VIII. V. D. BASILIO KWASOSWKI,

Calliope, heroicis scientiarum ætibus lauream offert.

CUM LEMMATE. Virorum Patria virtus.

PLECTrum Calliope, Sumo libentius;
Heroem genio, Pallade nobilem,
Dignum Mæonij Carminis alite
Pindi canto decus novum.

Tu magnus studijs, pectore Principum
KWASOWSKI, Cytharâ nunc resonas meâ,
Large muneribus clarus Apollinis
Ferris tendine Lesbia.

Qua fugax trepidat Nympha Borysthenis,
Et Ponto properat qua rapidus Tyras

Te Sol Sarmaticus viderat Inclytum,
Novitq; Istula nobilis.

Hic jam fronte tuâ ridet amœnius,
Princeps in Lechico sydere Cynthius,
Ornat promeritâ laudis adorea

Mores & Sapientiam.
Pectus namq; Tuum nulla scientia
Fugit digna Viro, culta laboribus
Virtutis facies, fulget amabilis

Doctrinâ nitidum caput.
Ergo detur honor temporibus tuis
Edoctrarum hederæ præmia frontium,
Cingant, magna Tux dentq; perennibus
Fastis Nomina gloriæ.

IX. V. D. CAROLO SCHNEDER,

Urania inclinat benevolentiam Cali.

CUM LEMMATE. Altum mens alta reposcit.

MEcum nunc tenera, plaudite Virgines,
In cantus hilares, pectora solvite,
Luctus, atq; dolendas
Ponendo querimonias.

Parnasso redeunt munera Apollinis
Accedunt Superis lumina partibus
Laurus docta virescit

SCHNEDERN Vranie nova

Est. Hunc athereus Spiritus expetit,
Virtutis radijs, & sapientie
Magna luce decorum,

Partes ad superas trahit.

Ut quondam geniô clarus, ab Urbibus
Quæsitus varijs, Maonides fuit

Sic SCHNEDER studiosè

Nunc distenditur artibus.

Num primo Sophicus Te labor expetit.
Suada fluminibus, ferris amabilis,

Mentem Musa libenter

Cælestis sibi vendicat.

Doctum Sacra dein Laurus amat Caput,
Qua cinctum vireat sæcula candidum

Fama sorte perenne

Alagnus crescat honoribus.

X. V. D. GREGORIO KLEEN,

Polyhymnia Presaga gloria Coronam gratulatur.

CUM LEMMATE. Virtus Elogium Tibi.

E Loquor plausum Polyhymna gestu,

Lauream signo, celebresq; dotes.

Nobilis KLEEN Tibi gratulando

Munera Phœbi.

Alma te Mater, Podolniumque

Novit, exactum studio laboris.

Inclytum vidit genio Sophorum

Mente Platonem.

Gratiam linguæ celebrem venusto

Ore, commendat genius loquendi

Suaviter rostris quoties faisti

Tullius alter,

Nec Tibi virtus inimica docto;

Cum ambit illustres sapientię aras

Et locum Lauro viridi sacratum

Possidet in Te.

Sume jam victam meritis paratam

Dote virtutis decoratus Almæ

Computes magnos titulis honores

Eronde virescens.

XI. V. D. THOMÆ KOZNIEWSKI,

Mnemnosyne Mater Musarum, Cantibus filiarum, suos

etiam jungit plausus, gratiasq; agit Supremo

Tonanti.

CUM LEMMATE. Labore Corona paratur.

I *N Tuam laudem propero sorarum*

Mater, illustrem genium canendo

Ultimo primos repetens honores

Actaq; plausus

Quid prius lato cecinit cothurno

Nata; quid cunctis probitatis Alma,

Omnibus dicit numeris inesse:

Hoc Tibi Mater.

*Docte KOZNIEWSKI meritis decorus
Par decus Musis, Sapientiæq;
Gloriâ magnus, Capiti parata,
Munera sume.*

*Fulgeas Phæbi Lechici Coronâ,
Quam Tibi donat generosa virtus
Gloriam mecum referas Tonanti
More camenæ.*

*Qui regis mundum vicibus supernis
Temperas Pontum moderaris auras,
Alme terrarum Dominator Orbis
Sis benedictus.*

*Dii, quibus, terris rediere laurus,
Fronte Musarum viruere ferta
Et quibus fasces Dominus Supremi
Contulit Orbis.*

*Vos, pia Musa, colimus sonoris
Laudibus; vestrum maneat perenne
Gloriæ Nomen, ferimusq; Sacras
Pectore grates.*

I. V. D. JOANNI ANTONIO
ZARZYCKI,

Primæ Laureæ Candidato

AUTHORI OPERIS,
MATTHIAS FEDEROWICZ,
Ejusdem Laureæ Candidatus.

In vim mutui affectûs,

Simul omnes in plausum expedit Musas,

CUM LEMMATE. Affectum corde rependo.

HUc venio plaudens doctarum quæque Sororum;
Palladium Nomen coleret, quam Iuppiter Almus,
Utque Dijs Cæli cunctis, terræ, Mariumque,
Prætulit Phæbum, blando cum Nomine Musæ,
Narro, prisca Parens rerum, famæque perennis.

Imperium Summus distinguens ordine Rector,
Singula, cum primum præfecit Numina rebus
Mens humana Deos subiit qua quærere cuncti
Acriter inter se statuerunt, quis minor esset

Munere? vel Superum æterno quis major honore?
 Ferrô Mars validus, magnusque Tridentifer alto,
 Munere quæque suo voluit præcellere turba.
 Hæc Pater excelsus de summa respicit Arce
 Omnibus est Pallas præcellens Numina Mundi!
 Majorque Aonidum turbâ stipatus Apollo.
 Hæc Tibi Musarum cum Phæbo magnus amore
 ZARZYCKI, mentem subeunt Oracula Cæli
 Cum bene sic factis mandas narrata sororum,
 Et reputas alijs merito præcellere Phæbum.
 Nam Tibi, quod clara genitus procedis ab Vrbe
 Craci, virtutis naturâ nobilis Almæ
 A superis magni, facile donantur honores.
 Iam Te Sacratæ cælestibus ingerit Ordo
 (Esse potest aliud majus quod Nomen honoris)
 Iam sibi præconem Mundi Rex vendicat almus
 Iam genius voti popularis spirat ad alta.
 Natus virtuti decoratus honoribus esto
 Par quibus es genio, nec non par indole magna
 Tu tamen haud dubitans cunctis ex Pallade laudem
 Enasci summam, curris pro munere Phæbi;
 Vir, tecum cuncti lauro decorentur honores
 Submittas ergo vernanti tempora vittæ
 Munera jam Phæbus donat, Musæque precantur,
 Nomen honore Tuum vireat lauruque perennet.

SUB FELICISSIMIS AUSPICIIIS,

Magnifici Perillustri, & Reverendissimi Domini,

**D. M. ANDRÆ
KRUPECKI,**

U. J. Doctoris & Professoris, Ecclesiarum, Cathedralis Cracovien:

CANONICI, Collegiata SS. Omnium Custodis, Premykovien: &

Niegard: CURATI, Canonizationis B. JOANNIS CANTIJ PRO-

CURATORIS, Contubernij Philof: & Rosczew: PROVISORIS,

Studij Almæ Universitatis Cracoviensis

GENERALIS & VIGILANTISSIMI

R E C T O R I S.

J. XXII. 16.

